

სსიპ - ბათუმის ხელოვნების სასწავლო უნივერსიტეტი  
ქ. ბათუმის მერიის ხელოვნებისა და კულტურის ცენტრი

## ურთიერთთანამშრომლობის მემორანდუმი

პრეამბულა

ქ. ბათუმი

05 ივლისი, 2012 წელი

უმაღლესი სახელოვნებო განათლების სფეროში მიმდინარე რეფორმების ძირითადი პრინციპების, სწავლებისა და შემოქმედების ინტეგრირების, ერთობლივი სანახაობითი ღონისძიებების განხორციელების მიზნით სსიპ - ბათუმის ხელოვნების სასწავლო უნივერსიტეტი და ქ. ბათუმის მერიის ხელოვნებისა და კულტურის ცენტრი თანხმდებიან თანამშრომლობაზე საშემსრულებლო ხელოვნების საკითხებში.

ურთიერთთანამშრომლობა ხელს შეუწყობს:

- შემოქმედებითი მუშაობისა და აკადემიური განათლებისათვის აუცილებელი მატერიალურ-ტექნიკური რესურსების ეფექტურად გამოყენებას;
- საშემსრულებლო მიმართულების სპეციალისტთა მიერ მასტერკლასებისა და სხვა სასწავლო-შემოქმედებითი მუშაობის ჩატარებას;
- სტუდენტთა პროფესიული პრაქტიკისათვის ხელშეწყობას;
- ცალკეულ მიმართულების საგანმანათლებლო პროგრამების მომზადებაში თანამშრომლობასა და კონსულტაციების გაწევას;
- ერთობლივი შემოქმედებითი პროექტების შემუშავებასა და განხორციელებას.

## მუხლი 1

- 1.1. მხარეები აწარმოებენ შეთანხმებულ პოლიტიკას ერთობლივი პროექტების მომზადების, განხორციელებისა და აუცილებელი რესურსების მოზიდვის მიზნით.
- 1.2. თითოეული მხარის მატერიალურ-ტექნიკურ რესურს გამოიყენებენ უნივერსიტეტის პროფესორები, პედაგოგები, სასწავლო-შემოქმედებით პროცესში ჩართული სტუდენტები, კულტურის ცენტრის თანამშრომლები და სპეციალისტები.
- 1.3. მხარეები გაუწევენ ერთმანეთს კონსულტაციებს და განახორციელებენ ერთობლივ სასწავლო-შემოქმედებით და სანახაობით პროექტებს.
- 1.4. მხარეები ურთიერთშეთანხმებით მონაწილეობას მიიღებენ ქორეოგრაფიული და სამუსიკო ხელოვნების საგანმანათლებლო პროგრამების შემუშავების პროცესში (ინფორმაციის გაცვლა, მეთოდური დახმარება და სხვა.) აკადემიური პროგრამების პრაქტიკასთან დაახლოებისა და კომპეტენციების ჩამოყალიბების მიზნით.
- 1.5. უზრუნველყოფენ პროფესორ-მასწავლებელთა და სპეციალისტთა გაცვლას პროფესიული პრაქტიკებისა და შემოქმედებითი პროექტების ფარგლებში.
- 1.6. საკუთარი კომპეტენციების ფარგლებში უზრუნველყოფენ სპეციალისტთა და სტუდენტთა სტაჟირებას.
- 1.7. განახორციელებენ ერთობლივ შემოქმედებით პროექტებს, კონკურსებსა და ფესტივალებს, სანახაობით-საკონცერტო წარმოდგენებს.
- 1.8. უზრუნველყოფენ მუსიკალური ინსტრუმენტებითა და ბიბლიოთეკებით სარგებლობის ხელმისაწვდომობას.

## მუხლი 2

- 2.1. წინამდებარე შეთანხმებაში თითოეულ მხარეს შეუძლია ცვლილებებისა და დამატებების შეთავაზება ურთიერთშეთანხმების საფუძველზე.
- 2.2. მხარეთა შორის ურთიერთობათა სპეციფიკა, რომელიც არაა განსაზღვრული მემორანდუმში, რეგულირდება ორმხრივი შეთანხმებით.
- 2.3. მხარეები აძლევენ ერთმანეთს გარანტიას, რომ ისინი უპირობოდ, სრულად და კეთილსინდისიერად შეასრულებენ წინამდებარე ხელშეკრულებით გათვალისწინებულ ყველა პირობას.

## მუხლი 3

- 3.1. წინამდებარე მემორანდუმის შესრულებასთან დაკავშირებული სადავო საკითხები გადაიჭრება კონსულტაციების და მოლაპარაკების გზით.
- 3.2. ეს მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს მხარეთა მიერ რაიმე სხვა გადაწყვეტილების მიღებამდე.
- 3.3. ურთიერთთანამშრომლობის მემორანდუმი შედგენილია თანაბარი იურიდიული ძალის მქონე ორ ეგზემპლარად, რომელთა თითო პირები გადაეცემა მხარეებს.

ქ. ბათუმის მერიის ხელოვნებისა და კულტურის  
ცენტრის დირექტორი

გ. ბოლქვაძე

სსიპ - ბათუმის ხელოვნების სასწავლო  
უნივერსიტეტის რექტორი, პროფესორი

ე. მესხია

